

**CAHAYA
SOCIETY**

DIDIKAN
UNTUK
SEMUA

W A R T A C A H A Y A

MEI
2025

SIAPA KAMI?

Cahaya Society ialah organisasi yang berdaftar dengan Jabatan Pendaftaran Pertubuhan Malaysia sebagai Pertubuhan Pendidikan Anak Cahaya Sabah.

Ditubuhkan pada Januari 2019 dan berfokus pada kepada advokasi pendidikan alternatif untuk anak-anak tanpa negara, kebajikan sosial dan pemberdayaan komuniti di Sandakan, Sabah.

Selain itu, Cahaya Society juga aktif dalam menerbitkan karya dan tulisan tempatan di laman rasmi menerusi ruangan Arkib Cahaya bagi mengangkat apresiasi terhadap tulisan sama ada berbentuk ulasan buku, reviu filem, puisi, mahupun cerpen.

Demi Pendidikan,

Merdeka!



BIKIN APA?



Cahaya Society x Sabah Creative Economy and Innovation Centre

Pasukan SCENIC bersama Puan Vivianti yang turut sama-sama menggerakkan projek pendidikan kita pada tahun 2018 berkunjung ke Cahaya Society; Setelah 8 tahun akhirnya kita berjumpa semula!



GBV + SRHR Workshop by ARROW & WAO

Cahaya Society berpeluang untuk menyertai bengkel Pemerkasaan Komuniti Wanita 2025 yang dianjurkan bersama oleh ARROW dan WAO. Mengenali isu-isu keganasan berasaskan gender, hak kesihatan seksual dan reproduktif serta mendapatkan sumber-sumber yang boleh membantu dalam menyuarakan isu-isu ini dalam komuniti.




Artwork on Cardboard Workshop

Kak Norlita & Suami— rakan yang menyokong Cahaya Society sejak 2019— jauh dari Kuala Lumpur— mengajar anak-anak dalam kelas singkat bikin karya cubism ala Pablo Picasso. Sempat membuat pameran adhoc. Terima kasih. Selamat pulang!



Kelas Merahawa-Tentang Akil Baligh

Sentiasa memberi keutamaan untuk keselamatan dan perlindungan kanak-kanak sebagai kelompok rentan yang terdedah kepada eksploitasi dan manipulasi. Bersama Cikgu Tim, kali ini menyentuh kembali tentang Sentuhan Selamat serta perubahan tubuh badan setelah akil baligh.



Latihan pembangunan Kapasiti Institusi(ICB) Bagi Pertubuhan Masyarakat Sivil(CSO) & Kesatuan Sekerja Di Malaysia-MyVoice

Cahaya Society berkesempatan untuk mengikuti siri Latihan ICB bersama rakan-rakan kesatuan sekerja lain yang dijalankan oleh pasukan MyVoice secara atas talian dengan memberi tumpuan kepada dua topik utama, iaitu, Pengurusan Projek & Pengurusan Geran.

W A R T A C A H A Y A



Cahaya Society x Borneo Native Festival(BNF)

Cahaya Society merupakan salah satu perusahaan sosial (SE) yang terpilih untuk menyertai Borneo Native Festival di Pasar Seni, Kuala Lumpur. Pelbagai barangan kraftangan serta produk yang dihasilkan oleh anak-anak Cahaya dijual sepanjang acara dijalankan. Terima kasih atas sokongannya!



Outreach Komuniti

Singgah bersilaturahmi ke halaman rumah beberapa anak-anak Cahaya. Senang hati dapat pasang telinga serta mendengar cerita komuniti yang menginspirasi.



ASEAN SUMMIT x ASEAN PEOPLE 2025

Cahaya Society bergabung dengan rakan-rakan Organisasi Masyarakat Sivil daripada negara-negara ASEAN mengikuti Forum CSO ASEAN 2025 yang menekankan kerjasama tangani rasuah, migrasi & diskriminasi merentas ASEAN. Malaysia seru ketelusan, akauntabiliti & hak asasi sebagai teras kepimpinan serantau.



Webinar Laporan : Kajian Iskul (Kg.Tanah Merah)

Kelab Alumni Cahaya bersama Cahaya Society dan juga pengulas Puan Jameyah Sheriff membuat sesi pembentangan dapatan kajian dan pemetaan isu akses pendidikan, ruang selamat dan nutrisi ke atas kanak-kanak Projek Iskul— projek Child Friendly Space oleh Kelab Alumni Cahaya sejak 2023— yang dijalankan pada Mac lalu.



Stakeholder Engagement Visit-Garaj Cahaya

Lawatan libat urus fokus kepada pembangunan ekonomi sosial dan perusahaan sosial di Sabah. Perkongsian matlamat, kumpulan sasar, serta proses dan kriteria penarafan ekonomi sosial. Sesi suai kenal bersama vendor turut menampilkan aktiviti ekonomi sosial yang dijalankan.

BIKIN APA?



Kelas Bercerita

Sesi bersembang dan memetakan perasaan, cita-cita dan cerita dari bawah— yang sesekali gelap dan menginspirasi— yang sarat pengajaran untuk kami renung, toleh semula, ketawakan dan saling berbagi semangat.



Youth Socio-Economics Project: Pattern-Making

Kelas Menjahit menerusi Program Youth Socio-economic Project— menggunakan modul asas kemahiran jahitan yang kita bangunkan awal tahun ini— telah mula membuat aktiviti pembikinan pola jahitan,



Kita Deko Anjung Bakti

Bersama anak-anak Anjung Bakti yang hebat dalam membangunkan ruang pendidikan sederhana mereka. Pasang tikar, bikin mural, pustaka & sudut bermain atas kerjasama dan tajaan daripada orang-orang baik. Terima Kasih!



Bual Buku

Mencincang idea dalam buku Melawan Arus— tentang komunitas punk muslim di Indonesia oleh adik Mukti dan berdiskusi dengan kawan-kawannya yang lain.



Gotong Royong Bulanan CLC

Sejak 2019— pintu pagar pendidikan alternatif kita kuak— anak-anak sentiasa dididik agar menjaga, melindungi, menghormati ruang komuniti yang dibangunkan untuk tujuan mulia; pendidikan. Sehingga hari ini, masih bersungguh-sungguh bergotong royong membersihkan ruang belajar mereka bersama-sama.



CERITA DARI BAWAH

Child Friendly Space (CFS) kepada Kanak-Kanak di PPS PPR Batu Putih, Sandakan.

Baru-baru ini, pasukan Cahaya Society dan Kelab Alumni Cahaya (KAC) turun padang melawat mangsa kebakaran di Jambatan 3, Kampung Batu Putih pada 23 April lalu.

Kebakaran memusnahkan 24 rumah dan menyebabkan 182 penduduk kehilangan tempat tinggal. Seramai 82 orang kanak-kanak turut terkesan apabila kelengkapan sekolah mereka musnah, sekali gus menjejaskan sesi persekolahan.

Sebagai NGO yang prihatin terhadap kesejahteraan komuniti, pasukan kami menganjurkan Child Friendly Space (CFS) di Pusat Penempatan Sementara untuk memberi sokongan psikososial kepada kanak-kanak. CFS ini menjadi ruang selamat untuk mereka bermain, berehat, dan meredakan trauma bersama rakan sebaya.

Selain menyantuni mereka, kami turut menjalankan penilaian awal untuk penyelarasan bantuan pasca bencana kepada 35 ketua isi rumah yang terlibat.



BULAN DEPAN, BIKIN APA?

W A R T A C A H A Y A

Korban Cahaya 2025

Aktiviti tahunan sempena Hari Raya Aidiladha 2025 iaitu sembelihan haiwan korban dalam komuniti, bersama komuniti.

Webinar “World Day Against Child Labour”

Sempena Hari Menentang Buruh Kanak-Kanak Sedunia, kita akan mendiskusikan isu perburuhan, eksploitasi kanak-kanak di tempat kerja sebagai respon kepada pelanggaran hak asasi kanak-kanak dalam negara.

Prihatin Cahaya, Mangsa Kebakaran Bt Putih

Kita akan bekerjasama dengan badan korporat untuk menghantar sumbangan dan insentif bantuan kepada mangsa kebakaran rumah Kg Batu Putih pada awal Mei lalu.

Pelancaran Laporan Penuh Kajian Komuniti

Laporan Kajian Komuniti Iskul 2025 yang mengambil kira isu akses pendidikan, nutrisi dan ruang selamat oleh Kelab Alumni Cahaya akan dilancarkan di laman sesawan www.cahayasociety.org

RIBBON HAIRCLIP

RM8
(EXC. POSTAGE)



100%

MADE BY COMMUNITY

📞 011-1886 1758(EYZA)

W A R T A C A H A Y A

**GARAJ
CAHAYA**

TERIMA KASIH!
MAGSUKUL!

Pertubuhan Pendidikan Anak Cahaya Sabah

8603686012 (CIMB Bank)



CAHAYA ENTERPRISE-QR

"Pendidikan Untuk Semua"

🌐 cahayasociety.org
✉ cahayasociety@gmail.com
☎ 089 666 915